



Садық Ақбота,

Нағи Илиясов атындағы № 9 мектеп-гимназиясының

8 сынып оқушысы

Жері қандай кең байтақ болса, жаны да сондай дархан елімнің көрген қиындығы аз емес және тәуелсіздік таңына басқан қадамы екі аттам жер емес екен... Жұмыр жердің тыныс-тіршілігін жіті бағып, оның тағдырын, асылы мен жасығын тарих таразысына салып, зерделеген - ұлы көне өмір көші. Осы көштің қатпар-қатпар тарих қойнауына көз жүгіртсек, шулы ғасырда жұмыр басты пенденің шақшадай басын шарадай етіп, шаршы топты шырғаланға тартқан шағы да, етегін жаспен жуған қасіреті де, шаттанып күлген қуанышы тәуелсіздік жолындағы сүрлеулі жолдардың ақиқаты осы ұлы көштің құшағында. Тәуелсіздік жолындағы тарихты білу - ұрпақтың парызы. Иә, тәуелсіздік таңды таңға ұластырып, үміт пен арманға жетелеген талай өмір қыршындары мен боздағымыздың жете алмай армандап, аңсап күткен таңы. Ол - азаттық күрес айнасы. Тәуелсіздік – бұл таңдарға жетелеген үкілі үміт. Қазақстанның тәуелсіздігі мен Президент қызметі, асқақ сәулеті мен келісті дәулетімен еліміздің жүрегіне айналған әсем Астана мен Нұрсұлтан Назарбаев бұлар бір-бірінен ажырамайтын берік ұғымдар.

Сарыарқа төрінде, Еуразия жүрегінде, ерке Есіл жағасында орналасқан Қазақстанның жаңаруының нышаны, мемлекетіміздің мәйегі, дербестігіміздің дәйегі болып табылатын, халқымыздың ғасырлар бойы арман тілегінің орындалуын айшықтаған шынайы болмысы – еңсесі биік Астана. Елбасымыз бен Елорда – екеуі егіз ұғым екеніне ешкімнің күмәні жоқ шығар.

Елорда - Елбасының стратегиялық жоспары. Өзінің сәулетімен әлем архитектураларын таңқалдырып отырған жаңа Астана Елбасымыздың бел баласы екені даусыз. «Астананы Қазақстандық мемлекеттіліктің Эталон қаласы ретінде әлемдегі ең үздік отыз елдің қатарына қосу жөніндегі өршіл мақсатымызды кеңінен паш еттік», - деді Президентіміз Нұрсұлтан Назарбаев Астана еліміздің

[Введите текст]

айбынына, экономикалық әлеуметіміздің айбырына айналды, ұлтымыздың, тәуелсіздігіміздің жетістігінің көрсеткіші.

Азия және ТМД елдері арасында тұңғыш рет мәртебесі биік Еуропадағы қауіпсіздің және ынтымақтастықтың ұйымына төрағалық ету мүмкіндігіне ие болды. Қазақ баласы бұрын-соңды мұндай биіктікке көтерілген емес. Бұны елімізде экономикалық және саяси реформалардың дұрыс жүргізілуі деп түсінген жөн, жаңа Қазақстанның әлемде осылайша танылуы - Президентіміздің халықаралық беделінің көрнекілігі,- деп тануымыз керек. Біздің ортақ келешегіміз – қуатты мемлекет, орнықты және дамыған экономика, молшылық, саяси тұрақтылық пен келісім. Мұндай аса үлкен міндетті тек Қазақстан Президентті Нұрсұлтан Назарбаев шеше алады, - деп сенеміз.

Мемлекеттік тіл – ел бірлігінің кепілі екендігіне, бір тілде сөйлеу – бірліктің бастауы екеніне жаста болса көзіміз жетуде. Республикамыздағы жүзден аса ұлт өз тілдеріне қарай етектеп тартса не болатынын ойлаудың өзі ауыр. Қазақ тілінің тағдыр-талайы туралы айтылуда. Жетістіктер де баршылық. Елбасымыз «Қазақ қазақпен қазақша сөйлессін» , - деп айтты, өйткені тіл мердесі – ел мүддесі ғой. Биылғы, жаңа он жылға арналған жол жаңа мемлекеттік бағдарламасын әзірлеуге тапсырма берді ғой. Соған орай білім және ғылым министрлігі бес бағытта, мәдениет министрлігі он бір бағыт белгілеп, жұмыс жасап қуантады. Сөз жоқ, табысқа жетеміз. «Тәрбие басы – тіл» қағидасын ұстанып отырған ағалардан айналайын, дән ризамын. Өз басым елбасы Нұрсұлтан Назарбаевтың «Жаңа Қазақстандық ұрпақтардың үш тілде меңгергенін қалар едім» деген аталық сөзін шын ниетімен қуаттаймын, өзім осы бағытта ұстанып жүрмін және жастарды үш тілді игеруге, ұмытылуға шақырамын.

Тіл тұтастығы – ел тұтастығы. Қазақ тілі қазақтардың ғана тілі емес, ол Қазақстан Республикасының мемлекеттік тілі екендігіне жерлестеріміздің көз жеткізе білуіміз керек. Мемлекеттік тілді білу - Қазақстан Республикасының әрбір азаматының парызы екенін есте сақтаулары жөн.

Қазақстан халқын бір мақсатқа топтастыратын мемлекеттік тілдің өрісін кеңейтіп, өрісін биіктетуде елбасы міндеті үдесінен шығу - бәріміздің ортақ абыройымыз.

Қорыта келгенде, бабалардың, ел ағаларының салған жолы – ол бейбіт өмір даңғылы. Еңдеше, біздің өмірімізде де, мәңгі тыныш та, бейбіт өмір орнасын. Ол бүгінгі өмір белсендігі – ел бақыты. Ел бағына туған тұлағаның

[Введите текст]

мемлекет мүддесі жолындағы ұлы ісіне алғыс білдірмекпін. Ерке Есіл жағысында бой көтерген, ерекше сәулеті бар, өзінің жаңа Астанасы мен өз елін шексіз мақтаныш тұтатын көп ұлтты және көп дінді халқы бар әсем де, мейірлі Астанамыз, міне осындай. Елорда – елбасының еренғайып ерлігі.